

## Fundur í foreldrafélagi 20. mars 2018

Mættir: Ingbór, Thelma, Katrín Valdís, Steinar og Ingunn.

- Ákveðið að hafa sumarkaffi foreldrafélagsins þann 6. maí. Sumarkaffið hefur oftast verið haldið á Sumardaginn fyrsta en í ár verða starfsmenn Garðasels í námsferð í Englandi. Sumarkaffið í fyrra var haldið á Uppstigningardeggi en í ár var ákveðið að halda kaffið um helgi. Oft er fólk að fara í burtu úr bænum þegar frídagar eru á fimmtudögum að vori og nú mætti prófa að hafa kaffið um helgi.
- Stjórnarmenn munu nýta tölvupósti til þess að skipuleggja betur verkaskiptingu og undirbúning fyrir kaffið. Ingunn gerir auglýsingu til þess að foreldrar geti tekið þessa dagsetningu frá og hengir einnig upp lista fyrir foreldra til að skrá sig á meðlæti og aðstoð í sumarkaffinu þegar nær dregur.
- Rætt var um útskriftarferðina en seinasta vor var farið í Ölver. Kostnaður við það hefur hækkað nokkuð á milli ára. Kom upp sú hugmynd að athuga með gistingu í Heiðaskóla. Þar væri skemmtilegt svæði til að leika sér á og góð aðstaða. Foreldrar voru ánægðir með útskriftarferðina og vildu að henni yrði haldið áfram.
- Ánægja var með ferð elstu barnanna til Reykjavíkur seinasta haust þar sem farið var á tónleika hjá Sinfoníuhljómsveitinni og síðan farið á Hvalasafnið. Ef kæmi upp sú staða að þyrfti að velja á milli ferðar til Rvk. og útskriftaferðar þá væri meiri vilji til að halda útskriftarferðinni áfram.
- Íþróttavika er 11. til 15. júní og í þeirri viku er grillveisla foreldrafélagsins. Nokkuð rætt um tímasetningu og fyrirkomulag. Fundarmenn voru sammála um að fyrirkomulagið væri gott og flestir ættu gott með að komast frá í stutt skrepp í hádegi. Einnig gætu aðrir ættingjar komið í stað þeirra sem ekki ættu heimangengt og hefði það komið vel út seinustu ár og börnin almennt ánægð með daginn. Spurning um hvaða dagur vikunnar verður valinn fyrir grillið en oftast hefur verið horft til verðurspár. Nú í ár eru Thelma, Katrín Valdís og Ingunn allar uppteknar 12. til 15. júní svo betra er að horfa til 10. eða 11. fyrir grillið. Það verður skoðað betur þegar nær dregur. Í möppu gjaldkera eiga að vera upplýsingar um það sem þarf að kaupa og í hvaða magni. Steinar og Ingunn geta komið með grill.
- Leikskólanum berast reglulega tilboð um kaup á leikskýningum og var ákveðið að Ingunn S. hefði samband við leikhópinn Miðnætti sem hafa álfana Þorra og Þuru á sínum snærum. Þau bjóða upp á 30 mínútna leikskýningu og einnig að vera með á vorhátíðum skóla. Athuga á hvort þau geta komið í vorgrillið, halda fyrst sýningu fyrir börnin og vera aðeins í garðinum á meðan foreldrar koma í grillið.
- Ingunn S. mun sjá um að kaupa útskriftartertu fyrir útskrift elstu barnanna 17. maí.
- Rætt um Lambaferð á Bjartheyjarsand. Fundarmenn ánægðir með það fyrirkomulag að þeir foreldrar sem vilja ekki að börnin fari í rútu geti keyrt þeim sjálfir að Bjartheyjarsandi.
- Nefndarmenn skrifuðu undir samþykki til Landsbankans um að Steinar tæki við sem gjaldkeri félagsins og fengi aðgang að reikningi þess. Katrín Valdís tekur að sér formennsku þetta skólaár en finna þarf nýja fulltrúa fyrir foreldrafélagið næsta skólaár þar sem þrír af fjórum eiga barn á elstu deild.

Tekið saman af Ingunn Sveins.